

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa zamjenik policijskog komesara, Glavni inspektor Fatmir Hajdarević, (u daljem tekstu Ugovorni organ)

SHOT d.o.o Zenica, Zmajevačka cesta 55C, ID: 4218126090005, koga zastupa direktor Vedran Ključanin, (u daljem tekstu: Dobavljač)

Zaključili su:

UGOVOR O NABAVCI PROŠIRENJA IBIS SISTEMA

Član 1.

Predmet ovog ugovora je nabavka proširenja IBIS sistema za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem ograničenog postupka, na osnovu odluke broj: 02-11-4-7834 od 03.11.2022. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i stvarnim potrebama Ugovornog organa.

Ponuda Dobavljača broj: 22-215-KT-5 i broj: 22-215-6-1-KT koja je njen sastavni dio od 25.01.2023. godine je sastavni dio ovog ugovora.

Član 2.

Ukupna vrijednost ovog ugovora bez PDV-a iznosi 1.538.547,00 (jedan milionpetstotinatridesetosamhiljadapetstotinačetredesetsedam i 00/100) KM.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora izvršiti isporuku i instalaciju opreme, za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da će robu isporučiti i instalirati u roku od 90 (devedeset) dana od dana obostranog potpisivanja ugovora.

Sve troškove isporuke i instalacije do primopredaje, kao i troškove reklamacije snosi Dobavljač.

Roba će se isporučiti i instalirati prema tehničkim specifikacijama u Ministarstvu unutrašnjih poslova Kantona Sarajevo – Uprava policije.

U slučaju osnovanih primjedbi na ispunjenje ugovornih obaveza Dobavljača, Dobavljač je dužan da o svom trošku učini sve da te nedostatke otkloni u što kraćem roku.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Dobavljač ne dostavi garanciju za uredno izvršenje ugovora u predviđenom roku ugovor se neće smatrati zaključenim.

Član 5.

Nakon isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučenu robu (po vrsti i količini), u dva primjerka, koja je uredno ovjerena i potpisana od strane ovlaštene osobe

Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa za prijem robe i od strane ovlaštenog lica Dobavljača. Sve eventualne primjedbe na izvršenu isporuku će biti konstatovane u zapisniku.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred ugovornih strana će biti određene i strane međusobno obavještene o tome, u roku od 10 (deset) dana od dana potpisivanja prvog pojedinačnog ugovora.

Član 6.

Dobavljač se obavezuje priznati reklamaciju na kvantitet i kvalitet isporučene robe, koja će biti proračunata zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje ugovornih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 7.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 8.

Ugovorni organ će ugovorenu cijenu plaćati Dobavljaču u roku od 30 (trideset) dana od dana prijema fakture za uredno isporučenu i instaliranu opremu bez reklamacija (o čemu će biti sačinjen zapisnik o prijemu), uplatom na tekući račun Dobavljača broj: 101180000006738 otvoren kod Privredne banke d.d. Sarajevo – Filijala Zenica.

Član 9.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

Garantni rok za isporučenu i instaliranu opremu je u skladu sa garancijom proizvođača, a iznosi 12 (dvanaest) mjeseci prema uputstvu proizvođača

Član 11.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja ugovornih strana i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 12.

Dobavljač nema pravo zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije ugovora.

Član 13.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

Član 14.

Eventualno nastale sporove pri realizaciji ovog ugovora, ugovorne strane će rješavati sporazumno.

U slučaju nemogućnosti sporazumnog rješavanja, ugovorne strane utvrđuju nadležnost Suda u Sarajevu.


Član 15.

Ovaj ugovor je zaključen kada isti potpišu obje ugovorne strane i traje do realizacije ugovorenih obaveza ugovornih strana.

Član 16.

Ovaj ugovor izrađen je u četiri (4) istovjetna primjerka, od kojih ugovorni organ zadržava dva (2), te Dobavljač 2 (dva) primjerka.

DOBAVLJAČ
SHOT d.o.o Zenica



direktor
Vedran Ključanin



UGOVORNI ORGAN
MUP KANTONA SARAJEVO
UPRAVA POLICIJE



ZAMJENIK POLICIJSKOG KOMESARA
Glavni inspektor
Fatmir Hajdarević

Broj: 23-005-KR1
Datum: 21.03.2023.

Broj: 02-11-4-7834-14/22
Datum: 16.03.2023. godine